

# ÎLE-À-LA-CROSSE KISKINWAHAMÂTOWIKAMIK MIHCETINÂTOWI SIHKITISAHIKEWIN

---

## WIHTAMÂKEWIN OHCI MASINAHIKEWIN EKWA TIPAHIKEWIN TÂPWIHTAMOWIN

---

**kîspin kiya ahpô awiyak kiwahkômâkanak itohtewak ekota île-à-crosse kitimahtâsowikamik kiskinwahamâtowikamik, mahti ayimihta ôma kiskeyihtamowin nanisihkâc pihtaw ka-mostâcihkâkon kiwiyasiwewin pakitinikawisowina.**

To read this notice in English online, please click [here](#) or you can send an email to [info@ILEXSettlement.ca](mailto:info@ILEXSettlement.ca) or call 1-833-700-7458.

Pour lire cet avis en français, veuillez cliquer [ici](#) en ligne ou vous pouvez envoyer un courriel à [info@ILEXSettlement.ca](mailto:info@ILEXSettlement.ca) ou appeler 1-833-700-7458.

Kîspin kinohtî ayamihtân ôma kâ Nêhiyawisinahikâtîk, mâmahtâwâpacihcikanîhk, mâkonâ awa l' ci batôñ [ôta](#) ahpô cî itisaha anima email ôta [info@ILEXsettlement.ca](mailto:info@ILEXsettlement.ca) ahpô cî fônahikî ôta 1-833-700-7458.

Dene detl'is ʔa bek'eyaneᑲi horlᑲᑲh dé, bek'ulᑲᑲ [ʔejā](#), huto ʔejā ts'ᑲᑲ email hawulᑲ [info@ILEXSettlement.ca](mailto:info@ILEXSettlement.ca) nanlᑲᑲ ʔejā ts'ᑲᑲ duᑲᑲᑲ 1-833-700-7458.

---

iskweyâc tipahikewina ekota kahkiyaw ayisiyiniwak sihkitisahikewin ohci nistam okiskinwahamâkanak ekota Île-à-la-Crosse School ekwa owahkômâkaniwâwa tâpwihtamowina.

owiyasiwew masinaham anima kahkiyaw ayisiyiniwak sihkitisahikewin ekwa tâpwihtam anihî tipahikewin tâpwihtamowina asici Canada ekwa Saskatchewan ikospî ayîki pîsim nîso mitanaw kikâ-mitâtahtosâp, 2026. anima tipahikewina astewa tipahamâtowina ohci okimânewina Canada ekwa Saskatchewan ohci paspewiyiniwak, mîna kotakwa wîcihihtâsiwina. anihî tipahikewin tâpwihtamowina tâpwe ekwa wîhitôcîkâtewa ohci paspewiyiniwak kahkiyaw ayisiyiniwak ekwa peyakoskân kahkiyaw ayisiyiniwak, mâka kîspin wayawe masinahawisowak ikospî ohpahowi pîsim, nisto mitanaw, 2026. ôhi tipahikewina astewa:

- “môsihtâwin tipahamâtowina”, anihî tipahamâtowina ohci kâ-kaskihocik paspewiyiniwak (ahpô owikamikowâwa ahpô nakatamâkaniwâwa) ohci sihcikewin wîsakihtamowina;
- “kitimahtâsiwin tipahamâtowin”, anima tipahamâtowin ohci kâ-kaskihocik paspewiyiniwak (ahpô owikamikowâwa ahpô nakatamâkaniwâwa)
- anima “Legacy Fund” ka-tipahikeyimakan ka-sihtoskamîhk pimâtisiwin, pîkiskwewin, nâtawihowin ekwa kiskisiwin itôtamowina ohci paspewiyiniwak, owahkômâkaniwâwa, ekwa mâmawinitowina.

ayiwâk takiskeyihtaman, ayamihtâ oma wihtamâkewin ahpô itohte: [www.ILEXSettlement.ca](http://www.ILEXSettlement.ca). kâkîsewîpiten ahpô masinahamaw kahkiyaw ayisiyiniwak opîkiskwestamâkewak (kâ-itisihkâsocio)

“kahkiyaw ayisiyiniwak opikiskwestamâkewak”) âpacihtâ kahcipita kiskeyihtamowin iskweyâc ôma wihtamâkewin.

astew e-cimâsik ôma wihtamâkewin eta e-tâstapeyi ayamihtâhk. kâkî-ayamihtân mahtâwi âpacihcikanohk [ôta](#) ahpô masinahike [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458 ohci masinahikanekin.

---

## KÎKWAY ÔMA WIHTAMÂKEWIN ASTEW

---

1. kîkway anima kahkiyaw ayisiyiniwak sihkitisahikewin?
2. kîkway ôma sihkitisahikewin ohci?
3. awîna masinahahwâw ekota sihkitisahikewin?
4. kîkway astew ekota tipahikewinihk asici Canada?
5. kîkway astew ekota tipahikewinihk asici Saskatchewan?
6. tânisi kahesi sipwetisahamân pihtikwewasinahikan ohci tipahamâtowin?
7. tânisi anihi pihtikwewasinahikana esi itasiwâtamihk?
8. tânispî ka-kahtinamân nitipahamâtowin?
9. Niya ka-tipahamân wiyasiwewin itakihtewina?
10. ayahk mâka kîspin moy nohte itôtamâni anima kahkiyaw ayisiyiniwak sihkitisahikewin?
11. Tânisi kahesi kahtinamân ayiwâk kiskeyihtamowin?

---

### 1. KÎKWAY ANIMA KAHKIYAW AYISIYINIWAK SIHKITISAHIKEWIN?

---

mihcetinâtowin itôtamowin anima misihkeyimowin eta moy mistahi ayisiyiniwak sihkitisahikecik ohci mihcet ayisiyiniwak kâhayâcik peyakwan wiyasiwewin kwecihkeyimowina, pihci ohci peyak ayisiyiniw ka-peyako-sihkitisahiket. kahkiyaw ayisiyiniwak sihkitisahikewin kâkîwîcihikowak ayisiyiniwak takahtinahkik tipahamâtowina ohci kitimahtâsiwina kâ-môsihtâcik kahkiyaw. sihkitisahikewin esi ayisiyiniwak kâkîhayaman pihtaw itahkitewina, wâpahtamihk wîsakihtamowin, ahpô kotakwa nayihtâwewina.

ka-mihceticik ayisiyiniwak itisihkâsiwak “mihcetinâtowin”. kîspin kiteyihfîn kiya peyakwan ekota kmihcetinâtowin, semâk kipihtikwahikawin mihcetinâtowin sihkitisahikewin isko kitasiwân “wayawepitisiyan” (itweyimakan e-wayawepitisiyan). anihi moy mâ-mihceticik ayisiyiniwak, ka-nipawistahkik wiyasiwewin nitaweyihtamowia, itisihkâsiwak opikiskwestamâkew sihkitisahikewak.

---

### 2. KÎKWAY ÔMA SIHKITISAHIKEWIN OHCI?

---

anima Île-à-la-Crosse awâsisak kâ-itisahohcik kiskinwahamâtowikamik (âskaw itisihkâtek Île-à-la-Crosse Mission kiskinwahamâtowikamik, anima Île-à-la-Crosse kitimahtâsowikiskinwahamâtowikamik, ahpô tepiyâhk “Île-à-la-Crosse kiskinwahamâtowikamik”) pimipayihcikâtek ohci 1860 isko 1975-75. eyikwânima mâci nistam kitimahtâsowikamikwa ekota Canada e-mâcipitamihk ohci awâsisak. Okiskinwahamâkanak aniki mihcet âpihtawikosisânak, mîna iyiniw awâsisak ohci kîwîtinohk Saskatchewan

ôma kahkiyaw ayisiyiniwak sihkitisahikewin itisikhâtew *Gardiner v. The Attorney General of Canada and the Province of Saskatchewan* (Court File Number KBG 936 of 2025). kotak mîna kîkwecihkeyimohk kahkiyaw ayisiyiniwak sihkitisahikewin osci anima Île-à-la-Crosse School (*Aubichon v The Attorney General of Canada and the Province of Saskatchewan*), mâka anihi nîso waskawewina nîsopicikâtewa.

ana opîkiskwestamâkew osihkitisahikewak ôta ôma sihkitisahikewin aniki niktowâsik paspeweyiniwak ekwa pihcikâsispohtamowin paspewiyiniwak. kihkâwihtamwak okimâwina ohci Canada ekwa Saskatchewan wîcihihtâsocik isi ka-tipahahkik, nâkateyihtahkik, ekwa pimipayihtâcik anima Île-à-la-Crosse School. kihkâwihtamwak okimâwina Canada ekwa Saskatchewan pîkopitahkik ka-nâkateyimâcik okiskinwahamâkanak kâhitohtecik isi anima kiskinwahamâtowikamik, ekwa moy kanaweyimewak ohci kitimahtâsiwin, ekwa anihi okimâwina kakîtipahamowâcik aniki paspewiyiniwa. Ôhi misihkeyimowina namôya ceskwa tâpwihtamwaw wiyasiwewikamikohk. mâka, anihi nîso kâ-nakiskâtocik tâpihtamwak ka-kîsipitahkik anihi kwecihkeyimowina kâ-osihtâhk isi Canada ekwa Saskatchewan.

nîso Canada ekwa Saskatchewan tâpwihtamwak paspewiyiniwak ohci anima Île-à-la-Crosse kiskinwahamâtowikamik mistahi kwâtakihtâwak.

ôma itôtamowin tâpwihtamwaw isi kahkiyaw ayisiyiniwak sihkitisahikewin kahitôtamihk anihi tipahikewina kâ-kaskihohk asici Canada ekwa Saskatchewan.

---

### AWÎNA WÎTAHPISOHTAM EKOTA SIHKITISAHIKEWINIHK?

---

nîso ihtakowak eta e-mâmawiyaticik ahpô “mihcetinâtowin” ayisiyiniwak ekota sihkitisahikewin.

**paspewiyiniwak  
mihcetinâtowin**

tahto ayisiyiniw kâkîpimâtisit ikosî pawâhcikinasîs pîsim 9, 2003, ekwa okiskinwahamâkan kâ-nitawi kiskinwahamâsot ekota Île-à-la-Crosse kiskinwahamâtowikamik ikospî mihcetinâtowin kâhispayik, mîna wikamikowâwa, nakatamâkanîwâwa, itôtamakewak, pimipayihcikewak, pîkiskwestamâkewak, ahpô/ekwa tâpwihtamâkewak. eyikoni kiskeyimâwak aniki nîso okiskinwahamâkanak kâ-kisâtahkik ekota wâskahikanihk ekwa kîsikâw okiskinwahamâkanakak/”kîsikâw okiskinwahamâkanak”.

**peyakoskân  
mihcetinâtowin**

Kahkiyaw ayisiyiniwak aniki wîkimâkanak, onîkihkimâw, awâsis, ôsimâw, ahpô osîmisimâw ohci paspewiyiniw mihcetinâtowin wîtahpisow.

ôma sihkitisahikewin nîkipicikâtew ohci kwecihkeyimowina asici Canada ekwa Saskatchewan ohci kîkwaya kâhispayiki ekota, ahpô pihtaw, anima Île-à-la-Crosse School ekwa wikiwin kâ-kipahikâtek nânitaw 1975-76.

aniki Oblates of Mary Immaculate ekwa Grey Nuns (ohci anima Catholic ayamihewikamik) wîcihihtâsiwak eta e-pimipayihtâcik anima kiskinwahamâtowikamik ekwa wikiwin. makîkway ôhi misi-atoskewina/kîkwayihkânak wîtahpitâwak ôma sihkitisahikewin, ekwa anihi Settlement Agreements moy wiyâwâw ohci.

ôma sihkitisahikewin makîkway kâhispayik ekota Rossignol School eta kâ-pimipayihtâcik aniki Île-à-la-Crosse School Board. anima Rossignol School tawinikâtew ikospî 1975-76 eta makîkway Catholic Church e-wîcihihtâsocik ekwa namôya wihkâc astew wikiwin.

ôma sihkitisahikewin mîna astewa kwecihkeyimowina ohci Catholic Church ahpô asici ayisiyiniwak ahpô itikwe kâ-kitimahâcik paspewiyiniwak. tahto paspewiyiniw kâhâyât kwecihkeyimowin kiyâpic kâkîpetâw eyikwânima sihkitisahikewin, wiyâwâw.

---

#### 4. KÎKWAY ASTEW EKOTA TIPAHIKEWIN ASICI CANADA?

---

Canada tâpwihtamwak ka-tipahikecik \$27.335 million ohci “môsihtâwin tipahikewina”, takiskeyihtamihk paspewiyiniwak kahkiyaw e-môsihtâcik wîsakîhtamowin ohci kâhitohtecik anima kiskinwahamâtowin. tahto paspewiyiniw takahtinam peyak Experience tipahamâtowin ohci ayitawa:

- isko \$10,000 ohci peyak paspewiyiniw kâhitohtet anima kiskinwahamâtowikamik ohci newo ahpô moy ekahikohk kiskinwahamâtowikamik askiya, ahpô
- isko \$15,000 ohci peyak paspewiyiniw kâhitohtet anima kiskinwahamâtowikamik ohci niyânan ahpô ayiwâk kiskinwahamâtowikamik askiya, ahpô

mîna âpihtaw kiskinwahamâtowikamik askiya, kiyâm âta ekahikohk e-cimâsik anima âpihtaw askiy ispayik.

ohci paspewiyiniwak kâ-pimâtisicik ikospî pawahcikanasîsi pîsim 9, 2003, mâka âsay nakataskewak ikospî, owikamikiwâwa ahpô onakatamâkaniwâwa kâkîhosihâtawak peyak kwecihkeyimowin ohci paspewiyiniwak kocihâtawasinahikan. kîspin anima kwecihkeyimowin tâpwihtamwak, anima tipahamâtowin ka-tipahikâzew isi paspewiyiniwak wikamikiwâwâ nâkateyihcikeyiwâw(a) ahpô pimipayihcikeyiwâw(â) kîspin ana paspewiyiniw nakataskew makîkway nakamâkan masinahikan. kîspin paspewiyiniw nakataskew makîkway nakatamâkan masinahikan, ekwa namôya wihkâc wikamik pimipayihcikeyiwâw e-nawasôniht, ekosi paspewiyiniw kâ-pimâtisicik nakatamâkaniwa, tâpiskoc wîkimâkan, ahpô otawâsimisiwâwa kîspin makîkway wîkimewak awiyak ikospî kâ-nakataskewak, kâkîhosihâtawak anima kwecihkeyimowin ohci paspewiyiniw tipahamâtowin.

aniki nakatamâkanak kâ-kaskihocik ka-masinahahkik pihtikwewasinahikan osci môsihtâwin tipahamâtowina aniki kâ-nakatasket paspewiyiniw:

- wîkimâkan;
- wîkimâkan kîspin makîkway wîkimkan ohci kihci wîkihtowin;
- awâsisak kîspin namôya ayâweak wîkimâkan ikospî kâ-nakataskewak;
- wîtisânak kîspin makîkway pimâtisicik awâsisak; ahpô
- ôsimâwak kîspin makîkway pimâtisicik wîtisânak.

kîspin \$27.335 million namôya ikahikohk tatipahikehk kahkiyaw ekota môsihtâwin tipahikewina, tahto Experience Payment kanîkipicikâzew, itweyimana kahkiyaw tipahamâtowin ka-nîpicikâzew peyakwan itahkihtek. Peyak mistahi e-kiskeyihtahk iteyihtam nânitaw 2,060 paspewiyiniwak e-pimâtisicik pawahcikanasîsi pîsim 9, 2003, namôya mâskots ka-nîkipicikâzewa ekota wâpahtamowin môsihtâwin tipahikewina.

kîspin sôniyâw iskopayiw ekwa kahkiyaw môsihtâwin tipahamâtowina tipahikâzewa, kâhiskopayit \$27.335 million ka-tipahikâzew isi ekota Legacy Fund.

anima nakatamowin tipahikan eta sôniyâw e-âstapit eta kahâpacihiht ka-tipahamihk “nakatamowin atoskâcikana” ohci ka-wîcihikocik paspewiyiniwak, owahkômâkaniwâwa ekwa mâmawinitowina. nakatamowin atoskâcikana anihî atoskâcikana ka-wîcihihtâsiwimakahki

nâtawihowin, miyomahcihowin, kwaskascikewin, kiskinwahamâsowin, kiskisiwin, ekwa/ahpô iyiniw pîkiskwewina (Michif, mîna nehiyawewin ekwa cîpwiyanemowin) kanaweyihcikewin.

Canada ka-tipahamak \$10 million isi ekota Legacy Fund. anima Legacy Fund ka-kanaweyihcikâtew ekwa pimipayihcikâtew ohci paspewiyiniwak ekwa pihcikâsispohtamowin paspewiyiniwak, isi moy tasôniyahkehk atoskewikamik, asici miywâsik sâpowâpahtamihk itôtamowin ohci ka-tipahamihk Legacy Projects. Canada kahayâwak peyak pikiskwestamâkew ka-wîcihihtâsot ekota atoskewikamik.

Canada mîna ka-tipahamwak isko \$5 million ohci itakihtewina ka-wihtamihk anima tipahikewin isi kahkiyaw ayisiyiniwak, ekwa ohci tipahikewin pimipayihcikewin (tâpiskoc tahitôtamihk anihi pihtikwewasinahikan ohci tipahamâtowin, wihtamihk ayisiyiniwak okwecihkeyimowiniwâwa, akihtamihk tâmayikohk tipamâtowin ka-tipahamihk, ekwa ka-sipwetisahoht sôniyâw)

kâkîkahtinen anima Settlement Agreement asici Canada mahtâwi âpacihcikanohk [ôta](#) ahpô masinahike ôta [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458 ohci peyak masinahikanekin.

---

## 5. KÎKWAY ASTEW EKOTA TIPAHIKEWIN ASICI SASKATCHEWAN?

---

anima tipahikewin sôniyâw ohci Saskatchewan ohci kakwe mînopitamihk anihi “newo apasoyâhtikwa” paspewiyiniwak kwecihkeyimowina, anihi: pokwâwiyak môsihowin; peyako kitimahtâsiwin, nâtawihowewin, miyomahcihowin, kiskinwahamâsowin, pîkiskwewin, sihcikewin, ekwa kiskisiwin; ekwa wiyasiwewin itakihtewina ekwa tipahikewin pimipayihcikewin itakihtewina. sihkisahikew kâ-esi ahkameyimot osci ka-wîcihikawisicik paspewiyiniwak, anima tipahikewin sôniyâw kahâpaciâw ka-tipahamihk:

- nîkân, \$8.5 million ka-tipahamawihcik kahkiyaw ayisiyiniwak opîkiskwestamâkewak ohci owiyasiwewiniwâwa otakihtewiniwâwa.
- ekwa, ka-tipahamihk anihi itakihtewina ka-wihtamihk anima tipahikewin ekwa anihi itakihtewina ka-pimipayihtâhk anima tipahikewin;
- kotak, tipamâtowina ka-miyihcik okiskinwahamâkanak mistahi kâ-kitimahihcik ahpô kâ-otihtinikawicik ekota anima Île-à-la-Crosse School;
- iskweyâc, kîspin iskopayiw sôniyâw kîsi tipahikâteki anihi kitimahtâsowina, ayiwâk sôniyâw ka-takwahâw ohci anihi Experience Payments tepiyâhk ohci kitimahtâsiwikamikwa okiskinwahamâkanak/paspewiyiniwak kâ-kisâtahkik kape tipisk ekota wikiwinihk.

•

anima kitimahtâsiwin tipahamâtowin ohci misi kitimahtâsiwin ahpô otihtinikawisowin ka-tipahikehk newoyohk, ispihcâki ohci \$50,000 isko \$235,000 mâka tâmayikohk kitimahtâsiwin itôtamihk, ekwa tâmayikohk esi wîsakihtamowimakahk ikospî ohci. keko kitimahtâsiwin tipahamâtowin ka-tipahikâtew mîna anima môsihtâwin tipahamâtowin.

ohci paspewiyiniwak kâ-pimâtisicik ikospî pawahcikanasîsi pîsim 9, 2003, owikamikiwâwa ahpô onakatamâkaniwâwa kâkîhosihâwak peyak kwecihkeyimowin ohci paspewiyiniwak kocihtâwasinahikan. ôsimâwak ohci paspewiyiniwak moy takaskihowak takocihtâcik ohci kitimahtâsiwin tipahamâtowin

tâmayikohk keko môsihtâwin tipahamâtowin kahitasiwâcikâtew tâmayikohk e-tipahikehk kitimahtâsiwin tipahamâtowin. Ka-takwastâhk tipahikewin tepiyâhk ohci kitimahtâsowin okiskinwahamâkanak (ahpô owikamikowâwa ahpô nakatamâkaniwâwa) ka-mâmitoneyihtahkik anihi ayiwâk kitimahtâsowina kâ-môsihtâcik ekota Île-à-la-Crosse kiskinwahamâtowikamik, ekwa ka-tipahikehk tâmayikohk askiya tahto okiskinwahamâkan kâhitohtet anima kiskinwahamâtowikamik.

iteyihcikâtew nânitaw \$1-2 million anima tipahikewin sôniyâw ka-nitaweyihcikâtew ohci kâ-itakihtek ka-pimipayihtâhk anima Saskatchewan tipahikewin, mîna kâ-pimipayihtâhk anima Canada tipahikewin.

kâkîkahtinen anima Settlement Agreement asici Saskatchewan mahtâwi âpacihcikanohk [ôta](#) ahpô masinahike ôta [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458 ohci peyak masinahikanekin.

## **6. TÂNISI KAHESI SIPWETISAHAMÂN KOCIHTÂWASINAHIKAN OHCI TIPAHAMÂTOWIN?**

anima itôtamowin takahtinamihk tipahamâtowin e-osihtâhk ka-wihcasik ka-itôtamihk, ekwa ka-nîkipitamihk sihcihowin kâ-kocihtâhk ohci môsihtâwin tipahamâtowina ahpô kitimahtâsiwin tipahamâtowin eyikohk esi kaskihtâhk. wâwes, anima itôtamowin ka-tâpwihtawâwak opaspewiyiniwak âcimowiniwâwa misteyihtâkwana takiskeyihtamihk (mâka kîspin makîkway pîtos kiskeyihtamowin)

takahtinaman môsihtâwin tipahamâtowin ekwa/ahpô kitimahtâsiwin tipahamâtowin, ayisiyiniwak kâkîkahtinahk tipahamâtowin (paspewiyiniwak/owikamikowâwa opîkiskwestamâkeyiwâwa, ahpô onakatamâkaniwâwa) piko ka-masinahahk kocihtâwasinahikan.

**takisipayik tipahikan takocihtâhk ohci môsihtâwin tipahamâtowin anima pâskâwihowi pîsim peyak, 2027. takisipayik tipahikan takocihtâhk ohci kitimahtâsiwin tipahamâtowin pâskâwihowi pîsim peyak, 2028. misteyihtâkwana kakwe kiskisiyan tânispî ka-kisipayiki ôhi**

### **masinahamihk peyak kocihtâwasinahikan**

e-sâkaskinâhtâhk kwecihkeyimowin masinahikan, mîna sohtoskâkewin masinahikewina, anima e-sâkaskinâhtâhk kocihtâwasinahikan.

kwayask wihtamâkewin tânisi kahesi masinahamihk peyak kocihtâwasinahikan ohci tipamaâtowin astewa ekota kwecihkeyimowin masinahikan.

kîspin kinitaweyihten ka-wîcihikawiyen ohci kikocihtâwasinahikan, mahti kahcipis kwecihkeyimowin opimipayihcikew ahpô kahkiyaw ayisiyiniwak opîkiskwestâmâkewak.

kâkîpihtikwemasinahîn anima kwecihkeyimowin masinahikan ekwa kâ-sihtoskâkoyan masinahikana isi mahtâw masinahikanihk, masinahikanekin, ahpô sipweyitisahikan. kîspin kinohte kocihtân masinahikanekin, masinahike isi [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458 ohci masinahikanekin ohci anima kwecihkeyimowin masinahikan.

anima mahtâwi âpacihcikan kinwâpahcikan ohci anima kwecihkeyimowin masinahikan namôya ceskwa astew. Ikospî mâcipayiki, ka-astew ekota <https://ilexsettlement.ca/>. itohte <https://ilexsettlement.ca/> ohci wihtamâkewina ohci tânispî anima kwecihkeyimowin masinahikan ka-astew.

masinahikanekin kocihtâwasinahikana kâkîsipwetisahikâtewa ahpô faxipicikâtewa isi kwecihkeyimowin opimipayihcikew. kiskeyihta kocihtâwasinahikana kâ-sâkaskinahcikâteki mahtâwi âpacihcikanohk nakoc wepac takinwâpahcikâtewa.

## **wikamik kocihtâwasinahikana**

ohci paspewiyiniwak kâ-pimâtisicik ikospî pawâhcikinasîs pîsim 9, 2003, mâka owikamikiwâwa, nakatamâkaniwâwa ohci paspewiyiniw kahkiyaw ayisiyiniw kâkîsâkaskinahtâw Part C ohci anima kwecihkeyimowin masinahikan ayiwak kîkwaya ohci wikamikwa ahpô nakatamâkan wahkohtowin isi paspewiyiniw kahkiyaw ayisiyiniw wîtahpisow.

kîspin paspewiyiniw nakataskew asici nakatamâkan masinahikan, anima kocihtâwasinahikan piko ka-masinahahk paspewiyiniw “wikamikwa opîkiskwestamâkewa” (awiyak kwayask e-nawasôniht ekwa/ahpô opimipayihcikew ekwa/ahpô atâwâkew ekwa/ahpô tâpwihtawiht ayisiyiniw).

kîspin paspewiyiniw nakataskew makîkway nakatamâkan masinahikan, anima kocihtâwasinahikan piko ka-masinahahk ayisiyiniw kâ-mâci kihte ayiwit wahkômâkan. eyako awa ahpô itikwe piko e-peyakot nakatamâkan (tâpiskoc, paspewiyiniw owîkimâkana ikospî kâ-nakatasket) ahpô mîna atiht nakatamâkanak (tâpiskoc, paspewiyiniw owîkimâkana mîna nakataskeyiwa mâka nisto e-pimâtisicik awâsisak), mâka piko peyak ka-masinahameyit anima kocihtâwasinahikan. ohci ayiwâk kiskeyihtamowin ohci awîna tâpwe nakatamâkan, kâkîkinwâpahten anihi wihtamâkewina ekota kwecihkeyimowin masinahikan ahpô sewîpitamaw kwecihkeyimowin opimipayihcikew ohci ka-wîcihisk.

---

### **7. tânisi anihi kocihtâwasinahikana esi nawasônîkâteki?**

---

#### **awîna itasiwâtam kîspin peyak kocihtâwasinahikan e-tâpwihtawîkâtek?**

kwecihkeyimowin opimipayihcikew ekwa âskaw “kinwâpahcikew” itasiwâtamwak kîspin kocihtâwasinahikan ka-tâpwihtamihk. kwecihkeyimowin opimipayihcikew ekwa kinwâpahcikew moy wîtahpisiwak ohci kahkiyaw ayisiyiniw opîkiskwestamâkewak, ekwa ohci Canada ekwa Saskatchewan. anima wiyasiwewikamik nawasônnewak Deloitte LLP kahesi atoskeyit isi kwecihkeyimowin opimipayihcikewa.

#### **tânisi anihi kocihtâwasinahikana kahesi kinwâpahcikâtewa?**

kîsihtâki anima kocihtâwasinahikan (anima kwecihkeyimowin masinahikan mîna kotakwa masinahikana) anima masinahikâtew, eyako ôma itôtamowin takinwâpahtamihk kocihtâwasinahikana.

- 1) kwecihkeyimowin opimipayihcikew takinwâpahtam tahto kocihtâwasinahikan ohci kîspin kwayask sâkaskinahikâtewa.
  - a. kîspin anima kocihtâwasinahikan kwayask masinahikâtew, ana kwecihkeyimowin opimipayihcikew ka-wihtam kîspin e-kahtinahk ekwa ka-masinahikew.
  - b. kîspin anima kocihtâwasinahikan wanihcikeyimakan kiskeyihtamowin, ana kwecihkeyimowin opimipayihcikew takwecihkeyimow ohci anima kiskeyihtamowin ka-wanihcikâtek ka-masinahamihk.
- 2) kwecihkeyimowin opimipayihcikew nistam takinwâpahtam kîspin anima kocihtâwasinahikan ohci paspewiyiniw kahkiyaw ayisiyiniwak wîtahpisiw.
  - a. kîspin anima kocihtâwasinahikan namôya ohci kahkiyaw ayisiyiniwak wîtahpisiw (tâpiskoc, ana ayisiyiniw e-nakatasket pwâmawayask pawahcikanasîsi pîsim 9, 2003, ahpô namôya wihkâc ehitohtet ekota Île-à-la-Crosse School), ana kwecihkeyimowin opimipayihcikew kahitisaham masinahikan eta e-mâmiskôtahk

tânihki anima kocihtâwasinahikan moy kâ-sâpohteyimakahk nistam kinwâpahcikewin.

- 3) kîsipayiki anima nistam kinwâpahcikewin, ana kwecihkeyimowin opimipayihcikew kahitasiwâtam kîspin anima kocihtâwasinahikan e-tâpwihtamihk ohci môsihtâwin tipahamâtowin ekota tipahikewin asici Canada ekwa, kîspin tâpwe, tâmayikohk.
- 4) Kîspin anima kocihtâwasinahikan ohci mîna kitimahtâsiwin tipahamâtowin, ana kwecihkeyimowin opimipayihcikew kahitasiwâtam kîspin anima kocihtâwasinahikan mîna e-tâpwihtamihk ohci kitimahtâsiwin tipahamâtowin ekota tipahikewin asici Saskatchewan, kîspin tâpwe, tâmayikohk.
- 5) ohci môsihtâwin tipahamâtowina:
  - a. ana kwecihkeyimowin opimipayihcikew ka-masinaham peyak “kinwâpahcikewin masinahikan” eta e-mâmiskôtahk kîspin okocihtâwasinahikaniwâw ohci môsihtâwin tipahamâtowin e-tâpwihtamihk, wayawepinamihk, ahpô apisîs wayawepinamihk (itweyimakam, peyak kocihtâwasinahikan ohci 5 ahpô ayiwâk kiskinwahamâtowin askiya anima e-tâpwihtamihk ohci newo ahpô moy ekahikohk kiskinwahamâsowin askiya).
  - b. kîspin anima kocihtâwasinahikan ohci môsihtâwin tipahamâtowin wayawepinikâtew ahpô apisîs wayawepinikâtew, ana kwecihkeyimowin opimipayihcikew kahitisaham masinahikan eta e-kwecihkeyimohk kîspin ayiwâk kîkwaya ka-masinahamihk ahpô ka-miyopitamihk anima kocihtâwasinahikan.
  - c. kîspin ana kwecihkeyimowin opimipayihcikew tâpwihtam kîspin kocihtâwasinahikan kakî-misawe-wayawepinamihk, kotak awiyak takinwâpahtam anima kocihtâwasinahikan ekwa iskweyâc kahitasiwâtam pwâmayask anima kocihtâwasinahikan kakîwayawepinamihk.
- 6) ohci kitimahtâsiwin tipahamâtowin:
  - a. kîspin ana kwecihkeyimowin opimipayihcikew iteyihtam kocihtâwasinahikan ohci kitimahtâsiwin tipahamâtowin kakîwayawepinamihk ahpô anima tipahamâtowin ka-nîkipitamihk pihci kâ-masinahikâtek ekota anima kwecihkeyimowin masinahikan, ana kwecihkeyimowin opimipayihcikew kahitisam anima kocihtâwasinahikan isi kinwâpahcikew.
  - b. ana kinwâpahcikew ka-kinwâpahtam anima kocihtâwasinahikan ohci kitimahtâsiwin tipahamâtowin, ekwa ahpô itikwe takocihtâw ka-nitotamât ayiwâk kiskeyihtamowin ahpô masinahikana takinwâpahtahk anima kocihtâwasinahikan.
  - c. ana kinwâpahcikew iskweyâc kahitasiwew ohci keko kocihtâwasinahikana ohci kitimahtâsiwin tipahamâtowina eyikwâna kwecihkeyimowin opimipayihcikew moy kâ-nohte kîsi-tipahahk.
- 7) ikospî kocihtâwasinahikan tâpwihtamihk ohci tipahamâtowin, ana kwecihkeyimowin opimipayihcikew ka-tipahikew eta ehâpacihtât tipahamâtowin itôtamowin kâ-masinahikâteki kwecihkeyimowin masinahikan.

---

## 8. tânispî nika kahtinen nitipahamâtowin?

---

ana kwecihkeyimowin opimipayihcikew kahosihtâw atihk tipahamâtowina ohci ayitaw môsihtâwin tipahamaâtowin ekwa kitimahtâsiwin tipahamâtowin kocihtâwasinahikana âsay

kâkîtpwihtamihk. kahkiyaw anihi môsihtâwin tipahamaâtowin ekwa kitimahtâsiwin tipahamâtowin kâ-masinahikehk ka-tipahikâtawa kahkiyaw anihi kocihtâwasinahikana itasiwâtamihki.

kîspin namôya ekohikohk sôniyâw apiw ka-tipahamihk kahkiyaw môsihtâwin tipahamaâtowin ahpô kahkiyaw anima kitimahtâsiwin tipahamâtowin, tahto ayisiyiniw kâ-miyiht ka-nîkipicikâtew kahkiyaw esi, itweyimakan kahkiyaw otipahamâtowina ka-nîkipicikâtewa isi kahkiyaw peyakwan ekahikohk.

kîspin apiw Saskatchewan tipahikewin sôniyâw kahkiyaw kitimahtâsiwin tipahamâtowin mîkihci, ana kwecihkeyimowin opimipayihcikew ka-tipaham môsihtâwin tipahamâtowin isi ayisiyiniwak kâhitohtecik wikiwin okiskinwahamâkanak ekota Île-à-la-Crosse School.

tâmayikohk anima môsihtâwin tipahamâtowin katakwahiht ekota tâmayikohk e-tipahikehk ekota kitimahtâsiwin tipahamâtowin. Ka-takwastâhk tipahikewin tepiyâhk ohci kitimahtâsowin okiskinwahamâkanak (ahpô owikamikowâwa ahpô nakatamâkaniwâwa) ka-mâmitoneyihtahkik anihi ayiwâk kitimahtâsowina kâ-môsihtâcik ekota Île-à-la-Crosse kiskinwahamâtowikamik, ekwa ka-tipahikehk tâmayikohk askiya tahto okiskinwahamâkan kâhitohtet anima kiskinwahamâtowikamik.

---

## 9. piko cî niya tatipahamân wiyasiwewin itakihtewina?

---

paspewiyiniw kahkiyaw ayisiyiniwak ekwa peyakoskân kahkiyaw ayisiyiniwak makîkway ka-tipahahkik wiyasiwewin itakihtewina otasiwâcikaniwâhk ohci anihi kahkiyaw ayisiyiniw sihkitisahikewin tipahikewina. anima kocihtâwin itôtamowin e-kîhosihcikâtek eta namôya e-nitaweyimat kipîkiskwestamâkew ka-wîcihihtâsoyan.

Kahkiyaw ayisiyiniwak opîkiskwestamâkewak kîpe-atoskewak ohci namôya mistahi etakimisocik, ahpô makîkway itakihtewina, ikospî anima sihkitisahikewin kâ-mâcihtâhk, pihtaw ohci tâpwihtamowin asici sihkitisahikewak takahtinahkik “kotak itakihtewin” itweyimakan ka-tipahikehk apisîs ohci sôniyahkewin kaskihowin ekota sihkitisahikewin. ekosi ôma mihcet kahkiyaw ayisiyiniw sihkitisahikewina esi itôtamihk Canada.

ekota tipahikewin tâpwihtamowin wiyasiwewinihk, anima owiyasiwew tâpwihtam kahkiyaw ayisiyiniw opîkiskwestamâkewa wiyasiwewin itakihtewina kwecihkeyimowin:

- \$9,605,000.00, Canada ka-tipahahkik ekwa ohpime ohci anima Canada tipahikewin sôniyâw; ekwa
- \$8,500,000.00, Saskatchewan ka-tipahahkik ekwa ohci Saskatchewan tipahikewin sôniyâw.

kîko etowa wiyasiwewin itakihtewina ohci kahkiyaw ayisiyiniw opîkiskwestamâkewak ka-ohcipayiki ohci Canada namôya ka-otinikâtewa ohci ekota môsihtâwin tipahamâtowina ahpô Legacy Fund. makîkway ka-otinâw sôniyâw ohci ekota môsihtâwin tipahamâtowina ahpô Legacy Fund aniki opîkiskwestamâkewak pîtos pîkiskwâtamwak wiyasiwewin itakihtewina, kîsipayiki anima tipahikewin tâpwihtamowin âsay kîsihcikâtew.

anima tipahikewin asici Saskatchewan anima pîtos: “kahkiyaw kîkway” itweyimakan anihi wiyasiwewin itakihtewina kâ-tâpwihtahk owiyasiwew kâhocipayit Saskatchewan ohci \$40.2 million tipahikewin sôniyâw. makîkway ka-otinâw sôniyâw ohci peyak kitimahtâsiwin tipahamâtowin mîkiwina ahpô môsihtâwin tipahamâtowin takwahiht, mâka ana sôniyâw ohci wiyasiwewin itakihtewina kahohcipayiw ekota tahkohc tipahikewin sôniyâw pwâmayask peyako mîkiwina tipahamihki.

owiyasiwew mîna tâpwihtam kahkiyaw ayisiyiniwak kwecihkeyimowin ohci sôniyâw mîkiwina nântaw \$10,000 ka-tipahamowihcik sihkitisahikewak ekwa mîna isi atiht wîtahpisiwak ohci Île-à-la-Crosse Steering Committee, ka-nistawinihcik kinwes askiya kâkipe-atoskâtahkik ôma kâ-wiyasiwâtamihk. ana sôniyâw ohci ka-mîkihk mîna e-kî-pîkiskwâtiht asici Canada ohpime esi ekwa ka-tipahikehk ohpime ohci ana tipahikewin sôniyâw.

---

## **10. AYAHK MÂKA KÎSPIN NIYA NAMÔYA NOHTE WÎTAHPISOYÂNI EKOTA KAHKIYAW AYISIYINIW SIHKITISAHIKEWIN? (WAYAWE MASINAHAWISOWIN)**

---

kîspin kiya kiwîtahpisohten anima paspewiyiniw kahkiyaw ayisiyiniwak ekwa peyakoskân kahkiyaw ayisiyiniwak (kinwâpahta anihi itwewina ekota masinahikan 3) ekwa namôya kiya e-nohte wîtahpisoyan ekota kahkiyaw ayisiyiniw sihkitisahikewin, kâkî “wayawe masinahawison” wayawe masinahawisowin, namôya ayiwâk ka-wîtahpison ekota kahkiyaw ayisiyiniwak sihkitisahikewin, itweyimakan kâkîmâcihtân kipeyako sihkitisahikewin mâka namôya kitayân pakitinikawisiwin ka-wîcihtâsoyan ekotawihk kahkiyaw ayisiyiniwak sihkitisahikewin tipahikewina.

kîspin kinohte wayawe masinahawisowin, piko ka-wihtamowat kwecihkeyimowin opimipayihcikew kahitisahamowat wayawe masinahawisowin masinahikan pwâmayask kisipayiki ikospî ohpahowi pîsim, nisto mitanaw, 2026. kâkîmîsken anima wayawe masinahawisowin masinahikan (asici wihtamâkewina tânisi kahesi sâkaskinahtâhk ekwa sipwetisahaman) mahtâwi âpacihcikanohk [ôta](#) ahpô masinahike [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458 ohci masinahikanekin.

wayawe masinahawisowin masinahikan piko kahitisahikâteki isi kwecihkeyimowin opimipayihcikew isi sipwetisahikewin, fax, ahpô mahtâwi masinahikewin:

Email: [info@ILEXSettlement.ca](mailto:info@ILEXSettlement.ca)

Mail: Île-à-la-Crosse School Class Action Opt-Out Forms

Claims Administrator c/o Deloitte LLP

PO Box 278 STN ADELAIDE

Toronto, ON M5C 2J4

Fax: 416-324-4411

kîspin wayawe masinahawisowin, itweyimakan namôya ayiwâk kiya kahkiyaw ayisiyiniwak wîtahpisiw ekwa namôya ayiwâk kiwîtahpison ekota kahkiyaw ayisiyiniwak sihkitisahikewin ayiwâk. nistam kahkiyaw ayisiyiniwak wîtahpisiwak kâ-wayawe masinahawisocik namôya ka-kahtinamwak tipahamâtowin ekota anihi tipahikewina. namôya mîna ka-cimiskâtewa ohci wiyasiwewikamik wihtamâkewin tâpwihtamihk anihi tipahikewina ekwa ka-pakitinamihk isi Canada ekwa Saskatchewan. kîspin kiwayawe masinahawison, kahayân pakitinikawisowin kapetâyan kisihkitisahikewin asici Canada ekwa Saskatchewan phtaw ohci Île-à-la-Crosse Boarding/Mission School ka-peyakoyan.

**kîspin kiwayawe masinahawison, moy kakîkocihtn ohci tipahamâtowin ohci ôhi tipahikewina. kîspin kinohte wayawe masinahawison, kâkîmâcihtân kisihkitisahikewin, mâka kahkiyaw opîkiskwestamâkewak moy kakîpîkiskwestamâkok ekota anima sihkitisahikewin.**

namôya kâkâtac ka-wayawe masinahawisoyan ohci ôma kahkiyaw ayisiyiniwak sihkitisahikewin kîspin kinohte mâcihtân ahpô ahkamitôten peyak sihkitisahikewin asici awiyak pihci Canada ekwa Saskatchewan ohci anima Île-à-la-Crosse Boarding/Mission School. tepiyâhk Canada ekwa Saskatchewan anihi masinahikâtewa ekota/mostâcipayinwa phtaw ohci ôma kahkiyaw ayisiyiniw sihkitisahikewin.

---

## 11. HOW DO I GET MORE INFORMATION?

---

ohci ayiwâk kiskeyihtamowin ohci anima kahkiyaw ayisiyiniwak sihkitisahikewin, anihi tipahikewina, pihtikwewasinahikana ohci tipahamâtowin, ahpô wayawe masinahawisowin, itohte, <http://ilexsettlement.ca/> ahpô masinahike [info@ILEXSettlement.ca](mailto:info@ILEXSettlement.ca) ahpô sewîpita 1-833-700-7458.

kîspin kinitaweyihten wiyasiwewin kîskihkeyimowin ohci keko itawa anihi mâmiskôtamowina, kahcipis Class Counsel âpacihtâ anima kiskeyihtamowin nihcâyihk. makîkway ka-tipahamihk tapîkiskwâtacik.

### **Sotos LLP**

55 University Avenue, Suite 600  
Toronto, ON M5J 2H7  
Email: [ilex@sotos.ca](mailto:ilex@sotos.ca)  
Phone: 1-888-451-9227 (toll-free)

### **Goldblatt Partners LLP**

20 Dundas Street West, Suite 1039  
Toronto, ON M5G 2C2  
Email: [ilex@goldblattpartners.com](mailto:ilex@goldblattpartners.com)  
Phone: 1-855-214-7557 (toll-free)

### **Merchant Law Group LLP**

2401 Saskatchewan Drive, Suite 100  
Regina, SK S4P 4H8  
Email: [ilex@merchantlaw.com](mailto:ilex@merchantlaw.com)  
Phone: 306-271-2896